

凤台县志卷之八

人物

〔北齐〕张显建州人魏末以荐任洛阳令尔朱氏之乱入梁为洪州刺史招徠怀集甚有时名齐天保初举州内属帝嘉之使复其旧

刘业成建州人为上党王涣长史参军天保中从尅梁譙郡以业成为沛郡太守时人心未定静以镇之民皆悦服

〔唐〕司徒映泽州人宝历初以乡贡进士累官太常卿太和

鳳臺縣志

卷之八

人物

一

中见朝政日非阉宦藩镇内外交相专擅遂弃官归晦迹峡石山与高僧惠愔为方外交朝廷重其清名屡起不仕卒於家

赵元方泽州人聪敏博学文名为一时最由进士官散骑常侍擢潞州节度使子令岳别有传见隐逸

赵景州人累官工部尚书天祐末兵乱弃官归里惟述家世以明宗系广建置以外族属历五代割据祸卒不及人服其勇退有先见

〔后晋〕段希尧晋城人祖约定州司户父昶神山令希尧自

石敬瑭镇太原时辟为从事与桑维翰同幕府晋有天下希尧累历清显

〔季汉〕司徒翊泽州人唐太常映之后由进士起家乾祐时官礼部侍郎集贤殿学士典贡举厚德夙望雅负知人之鉴甄拔王朴等皆有用才入宋多为名臣

〔后周〕李天集州人显德间诏求通经学古之士天集以三礼举

〔宋〕段思恭泽州人希尧子以门荫署镇国将军节度使传载艺文

鳳臺縣志

卷之八

人物

二

宋太初字永初晋城人进士仕至权御史中丞传载艺文刘羲叟字仲更晋城人擢崇文院检讨传载艺文

王献可州人知泸州黄庭坚滴於涪献可遇之甚厚时人称之仕至英州刺史

王霁献可长子崇宁间谏官抗疏劾蔡京罪论配海上钦宗复其官从种师中拒完颜括於榆次以姚古援兵失期战死

王云字子飞献可次子举进士仕至资政殿学士传载艺文

赵子真通经能文赐同学究出身官侯官簿有政绩

赵子元渊博好古以三礼举归而乐道不仕以著述终

李植字挺之以武举随范仲淹经略西夏累立战功仕至
右侍禁

浩天泽字霖说博雅好古登宣和间进士见朝政日非世
将乱遂家居不仕时郡守王孝迪陈仲儒前后成裴忠
烈祠颁赐黄牒天泽受而藏之以主祀事春秋祭享胥
如礼卒后以牒传其子进义温温传其甥张淳盖金大
定初也至明昌间郡守许安仁摹刻於石

〔金〕郭侯字伯有泽州人大定年进士历仕河北西路转运
使转载艺文

赵忱字君卿号澹叟承安间乡贡历知郡邑以儒雅为治
有善政累官邠州节度使大安三年致仕归会同里防
御路元滴居在籍同游名胜有琵琶浚唱和诗清思妙
句人争传诵进士吕天锡跋其后上僧洪讚为立石

路元字安止号东山承安间进士以防御使滴居与同里
赵忱游洞子寺清风壁唱酬有诗别见忱传据州府志
高平志元为高平人刚果不挠为省曹尚书郎五典郡

事类以鸷击豪猾见惮以路包拯呼之累迁河南按察
转运使 按大安年碑忱与元同乡里距城东南半舍
则路元实系泽州非高平也或同时另为一人否则三
志皆误至官阶之异大抵滴居后复起为按察转运使
也

吕天锡州人登泰和中进士时经义辞赋两科取士至九
百餘人人多员少或至老不能除授天锡限於额次遂
不求仕进与同年友吴倬以文与书著名於时

李俊民字用章泽州人号鹤鸣老人承安中廷试第一进

鳳臺縣志

卷之八

人物

四

朝请大夫转载艺文

〔元〕段直字正卿泽州晋城人以义授本州长官转载艺文
申甫字崧生泽州人以义授州镇抚迁长官见宦迹

段绍隆字世昌直之子嗣为长官首次吏曹兴学校以育
人才会取军民版籍覈实丁业平其高下如持衡迁沁
州再徙河中判官河中津隘之所兵民杂处绍隆抚绥
有方未几授同知晋州进知葭州调台州政理民安秩
满复知通州卒清苑郭宪铭其墓

赵汝励州人梧州判官至元间藤苗叛攻围梧州汝励率

众讨之歼其渠魁城获全迁知本州诸军奥鲁劝农使
染瘴卒

傅巖字良弼州人延祐末进士顺宗至元间仕至中书行
省参知政事荐同郡隐逸张翥学问渊懿匿迹高蹈可
置诸左右以备顾问参赞机密必有可观至正初翥遂
以荐出身致通显

张翥字仲举泽州人史作晋宁人以隐逸荐历仕河南省
平章事转载艺文

王杰以父思忠云州知州荫补官初授潞城簿历闻喜尹

鳳臺縣志

卷之八

人物

五

当延祐中均赋兴学以廉干称转冀宁路治中进阶奉
议大夫

〔明〕茹太素州人洪武三年乡举上书称旨授御史累翰林
院检讨都察院佥都御史转载艺文

张昺泽州人洪武中举人才授礼部主事历官礼部侍郎
转载艺文

程亨州人官检讨与张昺通谋建文逊国时一夕縋城去
者四十餘人亨其一也会昺族抄及亨家时亨已遁逮
其妻杨子礼礼妻张俱生烧之或云亨同史彬河洲访

帝重庆不值遇程济於白龙山深处见帝结茅山麓
拜床下相向痛哭辞归避地不知所终 按明史亡臣
有姓名者十三人而亨不与但其人不可没故载之

杨砥官礼部侍郎转载艺文

侯璉官兵部尚书转载艺文

颜伟洪武丙子举人有志节不畏权贵官户科给事中以
直諫称后有张泽者成化戊戌进士官监察御史立朝
建言有直声出为南阳府知府惠政及民民为立祠祀
之卫邦者成化壬辰进士官吏部员外清介有操守谢

鳳臺縣志

卷之八

人物

六

绝请托苞苴不行卒后公为敛钱助其殮有裴案者嘉
靖丁酉举人官南阳同知练达有治绩筑堤防河计擒
矿盗民为立去思碑后有张肇升者以例入贡累仕至
甘肃道而行事不少概见旧志但称其有政绩民为立
生祠云

司考字绎之宏治举人官宜阳知县修城池易土以甃后
有陈所知者万历乙酉举人知虞城县剏修堤路数十
里有王儒者嘉靖壬午举人官宁羌知州祀名宦以政
绩称有王学柳者嘉靖辛巳进士官松江同知以清俭

称王国士者万历己酉举人英敏强干捕巨窝除害以忤逆档削籍

段正字以中号介庵州人成化乙酉丙戌联捷进士授元城令听断无留滞有水患多方疏塞民赖以安晋御史巡按河南贪墨望风避再按江西岁饥闽盗起賑理防御约束凡四十条得无事特命再巡一年迁浙江按察会大水规画救治民免漂溺寻滴柳州同知值艰改汝宁擢荆州府举河南参政迁江西左参政兴利除弊王都宪恕称为一路福星卒年五十八贫不能治葬所著

有介庵集柏台公案诸程日记宦游记

宋甫举人性笃孝貌古心纯行事画地而蹈读书苦思力学解后灑如也从张泽游志河津之学父歿庐墓事闻旌其门宏治间知忠州以清节著

丁伯通经魁任庆阳府推官刻苦嗜学著纲目续编州志十卷

裴椿岁贡官清丰县丞弭盗筑堤薄赋兴教祀名宦少失怙事母至孝母歿庐墓三年以母嗜茄种於墓侧茄生连理更有乌鹊鹤翔之异孝宗表其宅家居讲庙制修

宗祠乡里式之

张璘字伯淳泽州人宏治丙戌进士幼有远志六经四书外以程朱为宗置图书累数千卷尝曰称理制事各适当然是谓明经理非空滞之谓经非口耳之学也行方貌庄言论侃侃必信一介弗挠知尉氏宜阳课农兴学多善政入为御史刘瑾衔其直罔以罪卒无验晋河南提学僉事中官廖鹏陷之改陕西河外收粮都御史甚贪而復璘及御史成文裁以法为所劾除名嘉靖初起用以仇者沮而止之屏居山中读书谈道考讨古义正

德间士厌明文沿宋靡泛之习欲振起之乃宗秦汉之作弗以为是也曰说词迷趣经学将晦乃著邃言舜泽记若干卷程朱心印若干卷藏於家崔铄志其墓

孟春字时元宏治丙辰进士授刑曹清慎有声守严州以清官第一称擢同寺力拒阉宦及守瑯勒贿巡抚宣镇威惠並著时于经钱宁江彬等阉势甚张来索粮价数万緡坚持不与大瑯张永行边过宣大群僚匍匐春长揖而已群小衔之卒为所中落职嘉靖初荐起巡抚顺天时大旱奏辩许铭冤并乞斩贪弁暨宸濠逆党以答

天遣设豫备仓经画部内得粮二十万石诏嘉予晋吏部侍郎上言大同反侧惟无控制大臣故及此乞添宣大及陕西三边总制各一员报可佐铨望重世庙赐行不自欺四字旌之未几十大狱起复以直言忤时宰遂与颜颐寿马录同时削籍疾革嘱殓以青袍角带赠工部尚书子阳死谏别有传

厯浩正德辛巳进士刑科给事中历河南按察以清介率属按部所至一毫不以累民督饷庄浪按期以济军需德政立於碑滴霸州知州軫恤閭阎救荒有善政卒祀

鳳臺縣志

卷之八

人物

九

霸州名宦

郜相字立之州人正德丁卯乡举嘉靖间朝邑令廉谨自持政平讼理役均盗息特建忠臣高翔及刘烈女祠号知大体历贵州布政使祀长芦名宦

司进正德时举人官山东堂邑知县清廉有惠政以亲老辞归留去后思后数十年堂人许维新来守泽郡扫其墓并新其坊跋云南国甘棠则进之政迹可知而知矣孟阳字子乾吏部侍郎春之子正德九年进士为行人劳军宣镇抗宦者以礼使韩府却餽惟受赠行诗四载不

调或讽之见要人阳曰此谒一入终身可湔洗乎会武宗自称镇国公将南巡举朝洵洵舒芬等极谏阳与同官曰此举系社稷安危一命之士皆应忧国岂必言官乃当效死遂率同官余廷瓚李绍贤詹轼刘概李惠等十九人直斥权奸误国上震怒悉下锦衣卫狱杖四十既罚跪午门梏拳五日逆阉江彬乘间又激怒上复加杖以彬监之杖甚毒阳仰天曰今日得死所矣时创重毙者陆震而下十一人其一阳也世宗嗣位赠御史廕一子高陵吕文简柩铭墓有云爱身何薄爱国何厚於

鳳臺縣志

卷之八

人物

十

生无羞於死无负春闻子死谏哭之以诗语极悲壮人争传之

苗时雍字尧民少聪颖有老成风成童补博士弟子员提学至泽以趋迎弗及除衣巾寻复入黉慨然曰学贵穷理尽性章句奚为也慕张舜泽先生理学渊源往受学读书碧落僧房家贫亲执炊爨以升米杂蔬菜作终日食而手不释卷舜泽重之授以格致诚正之旨时雍履蹈躬行卒传其学科岁试辄冠曹偶食诸生饩盛名噪一时岁大比冀南士多拟苗五经为魁首屡试不第以

贡入太学时江左某以性理名与时雍辩论遂拜服以
为不可及大司成试天下士七百餘人取时雍为三晋
之首未几授江南常熟丞却粮长初谒陋规相视地势
高淤请於上开七浦塘以均水利抚院委令督粮秉公
收受自具茶饼一尘无所染县荐绅某於前令佐多所
请托敬时雍严明不敢以私相干时喻令某清德爱民
政事与时雍諮谋以抗直罢归新令贪婪多与时雍左
适七浦塘成餘貲若干令欲肥已时雍不从归於公大
忤令意诬坐无为遂谢政归逾半载令亦以贓污罢去

裴騫正德辛巳进士有敏才学尤该博嘉靖中官通政司
右参议终山东副使所著有滁阳蓊门等集

丁谨州人嘉靖丙戌进士观政时命劳军固原奉使清介
军士悦服知宜兴县平刑兴学多善政先是太祖初下
常州师行餉匱覓借征宜兴武进额外粮一年又外徵
每亩耗五升一时定乱救急劝谕输助之征原非经制
乃相沿至正嘉时尚未除重困民力逋负累积敲骨催
科历年不清谨涖任力请上官疏豁得蠲三之一罢加
耗亩四升二合计岁减米八万石有奇积困稍甦县田

濱震澤多淤廢不治謹相度修濬出可畊之地二千七百餘頃遺愛在民画像祠祀

钟錫字三谷正德甲戌進士授鄒平令明敏善斷奸黠斂迹辟荒田振學校一時捷秋闈者四人屢辨疑獄民有其母為仇所殺子亦殺其人以復訊問者擬以謀殺律錫復訊改擬擅殺其用法平允多似此調武進令益勵厥操往糧役出入吏胥雜以無產侵逋錫自檢田戶悉充以大姓邑豪有眚祥者撓其議掠治之期日集事遂著為令民有得金釵累百於澗中送之官悉以付之織

造使者至抗以禮使者敬其品稱為先生轉刑部主事出為鳳翔府同知擢本省按察司僉事時修扶風寶鷄等城親加詳覆刻期工竣鳳寶深山中巨盜時出為害捕其魁餘悉解散東河楊百戶殺其繼母而誣其弟父責之弗直亦自鴆死錫廉得其實一訊而服寘於法總兵趙某怙勢凶惡為直指糾劾提案問擬當道為之援弗為動卒削職遣戍由是當道啣之以蜚語中傷回籍听調補四川僉事分巡瀘瀆所至摘伏發奸有夫婦斃於逆旅店主疑女有外交遂穴隙斃之訊之果吐實情

吏民骇服未几调巡建昌陞陝西备兵延鄜勦梟寇賑
荒民筑隄防建堡关於黄鹿山扼塞荒徼勒石以记錫
素刚介言辞锋利多与权贵齟齬是以攻之者众抚院
以浮言诬奏罢职归錫奉亲孝友於诸弟慷慨重义气
在蜀时修东祠置祀田给嗣孙复其徭役邻妇李雄母
孀居守志为养其终身生平所著有三谷集卒后参议
孟颜志其墓

钟鉴字方塘州人嘉靖己丑进士知巢县名廉能时大水
为患鉴请酌剂赋税以菑民其编审均徭法甚善台使

者榜为诸县式调献县外艰徒跣奔丧庐於墓侧服阕
补洛阳历知河南府陝西副使有风力杖咸宁侯仇鸾
豪仆仇荣等辟荒田三万顷杨襄毅上其事迁参政关
陇大饥鉴发粟以賑全活以亿万计方艾引疾归读书
教子闭户绝迹间党罕识其面士论高之著有礼经主
意

孟霏字泉坡州人嘉靖己丑进士任陝西督粮道明敏廉
介刚柔交济督储有方每师出粮餉充裕兵民无扰而
台体肃然放衙垂幙优游文翰萧然事外其真草书人

为宝重著诗纪集

孟雷字石盟嘉靖己丑进士历官县令多平恕不为钩距之行与民相安境内称治累仕至陕西按察僉事生平之诗文书法篆隶尤一时所宗著有修趾等数卷

孟颜字怀谿嘉靖戊戌进士官县令以仁爱为政惠泽及於民入为工部主事累仕至四川布政参议以亲老不能迎养遂去官瞻依膝下孺慕终身所为诗不拘格律自抒其性情之真古文尚气焰下笔辄千万言论者以为结搆处多少章法著孟亨恒隐集数卷

裴宇字子大嘉靖辛丑进士官翰林至礼部尚书先是陪京振武营军譁残杀重臣骄纵不可治宇摄本兵呼首谋者谕以祸福立折其邪心分其众使隶神策三大营俾不得合势旬日而定转工部尚书清洲田乾没之弊豪右帖服迴翔南寺部二十餘年恬退自安当肃宗崇尚道术大臣往往以青词希旨宇视之泊如也所著有内山集张毅敏养蒙师事之

陈天祐瑀子瑀有文而试小吏不屈上官天祐嘉靖甲午成进士官户曹终陕西副使刚方有守工著作台使以

下咸属草宋诗元曲尤善攀萃焉

赵九思字心海善说诗隆庆辛未进士知咸宁县廉而惠治最应得台垣以不揖江陵私室补南户曹寻改北计部民攀号车軹不得行屡奉差矚然不滓迁郾延兵备值侵檄部内垦荒田蠲给牛种凋瘵渐起裁班军五百省州县供应民稍苏敌阑入永兴堡杀掠甚多总督诡首功冒廕御史沈时叙廉得其罔知九思不可密问状具以实对遂疏其事适沈暴亡总督使探御史篋见九思札心衔之中以他事讫不能浼廷论时尽直九思逾

年以原官调四川行次新郑卒九思为人性和让而不比周居官喜造士布袍蔬水暇手一编居然寒峻也著四时读书乐以见志

苗焕子尔章登隆庆辛未进士明敏果毅遇事绰有擔负知宝丰县调鲁山计擒矿盗李讴奸人程徵明等以窝访为民害立置於法夺还豪军所侵民田城垣廨署以次修筑工不费民亦不扰癸酉丙子两入省闈分校皆知名士如甯中立后为读中秘书翰林李本固以抗直为名御史迁镇江丞稽核卫弁甲乙輿论胥服直指属

公理刑多所平反入为吏部曹郎时直宿午夜偷儿入邻司盗卷本司仓皇走焕率诸胥立擒之榷河西务通商惠民出守保宁与民相休息置书院教授生徒登科名者踵相接时监司议筑墙於路以备马上盗焕曰是害民倍於盗也力争不可监司中以蜚语遂谢政归焕历官三十载所至以惠政及民多建生祠祀之然刚正不阿不能合时宜未获大用於世退而优游卒岁都宪周盘志其墓以为得漆园之精其信然也

王忠显乡举第一知清水县洁已爱民廷质者既决两造

鳳臺縣志

卷之八

人物

十六

曲直旋以息争意委曲劝谕以平其心讼狱少衰迁知平凉府力白韩王幼孙非伪卒得立兼白指挥坐贓之诬终肃州道加按察使子采孙绪宏俱殉难

张养蒙字泰亨州人万历五年进士历仕至户部侍郎明史有转载艺文

周盘字心铭万历甲戌进士知河间长垣二县严而理擢御史疏纠都諫以禱疾媚江陵者云臣闻子为父禱未闻諫官为宰相禱也又奏曾铣志在立功身罹重典请为建祠出按河西廷议王战独持重巡河北防倭治河

护陵有功视京营清戎政晋金都抚甘肃与同事讲求兵要大小二十馀战上首功数千级以勋积阶至本兵予世职廕官推予兄孙慎上御笔书公正二字赐之半生戮力封疆不徼功不饰败卒称荅臣恭其兄监特至吉水邹元标严遣归不慑江陵威遇之益厚居乡设义仓著古文杂集奏疏数卷子周骏万历时举人英敏能文父盘歿后例有易名之典时逆档用事不肯出入其门未获有所赠恤其刚直有父风云

徐观澜字涵碧万历甲戌进士方居谏垣关白陷朝鲜出

师授勦诡请封贡命集议观澜与廷臣交章止之而尚书石星力持不听及封事坏丧师辱国杨镐掩败奏捷赞画丁应太以闻下稿於理因遣观澜往勘东征事随报四路溃兵状请论武臣失事如法不避险难历釜山尉山等处廉其虚实直纠沈一贯萧大亨邢玠万世德党和卖国疏未达大亨危之一贯简观澜前疏有抱病语票准回籍改命代勘适关白暴亡邢万辈遂贪天冒功而观澜坐废应太亦落职直臣不容於时如此

翟学程州人父从儒性方严长至日见里门死者横道因

簿正行乞人煮粥食之尽冬方止岁以为常学程少攻苦父尝昧爽出犹见帷灯惊促之寢万历辛卯举於乡癸丑授仪真令继除安岳令咸理岳居六路之冲为川北门户辛酉剧盗作难备战守策有陕商人李邦定以勇气闻因礼聘御敌贼啸聚劫掠邦定手刃十馀鎗折仗剑死学程擒贼磔而祭之时参戎秦明屏过蓬溪哭而请援两日三捷全蜀藉以宁癸亥考选邹忠介为台长魏忠节首六垣因授北台熹宗以蜀事见知时客魏孽芽人方安瑄学程已先知踉蹠致虑矣叶向高赵南

星左光斗求去抗疏留之迨瑄肆逆焰杨涟首系程奏直漣而特纠瑄朝野震恐民生日瘁分符者多贪黷程推源铨政奏劄谓选举陵迟廉耻相冒外吏必载宝而朝缺定於先籤掣於后名器可假也邦本亦宜恤也今大小臣工蒿目腐心无过边事臣以为东西交江其祸显蚩蚩下民无聊思乱其祸隐隐祸突发殆如川溃收拾为难何如早计於贤守令以善其后哉呜呼厥后流寇燎原之势学程於时已早见及之而无如置若罔闻何李邦定战歿必为之立祠血食且曰恤死厉生当今

急著也亮节卓识一时无两逆珰侧目久必欲与黄尊素李应升同致死地削籍夺勅正祸不旋踵会珰势落诏起用而已角巾野服归老杜门壬申流寇入西鄙王泽守造庐请方略指画防御如令安岳时去郡二十里无寇患军事旁午库藏如洗首捐数百金为倡曰寇退吾犹得食其馀不尔齎之粮耳然日以数年前不幸言而中怒焉不甦释出则忧其民处则忧其君盖尝以天下为已任也年七十卒於崇正八年秋著有西台奏议等三卷

张光缙字璇源万历辛丑进士弟光前在铨曹十年无所援引历平进终陕西右布政时两贤之督崇文荆关税以恤商名知庐州令奸民赭衣行市多格心者外艰补松江有弟争廕攀金挤兄力拒直其事董尚书其昌有此判南山不可移颂声宁独麦双岐之句备兵霸州荐边材改遵化斥债帅逐崔呈秀私人夤缘偏将为中官中伤而罢怀宗立大珰诛起磁州已而擢布政党入修旧悛谬加浮躁言官白而止移会嘉调商雒迁山东右布政未行寇压境光缙以为商乃西安门户力御之寻

加陝藩因所屬不戒挂議歸居鄉好義甲申后杜門不出而卒五子其四俱知名

張光前字爾荷州人萬曆庚戌進士知蒲圻縣補安肅民咸立祠擢吏部驗封主事歷文選員外稽勳郎中時吏科魏大中御史李應升論南樂黨魏闡后先削籍而高趙楊左諸公悉踉蹌去國部署一空時天啓四年光前在假吏部尚書趙南星起為吏部郎中甫就職上疏力爭云臣若緘默不言為苟免計是賣友也賣友即欺君臣安敢賣友欺君令皇甫規笑人千載之上哉是時忠

賢假廷推謝應祥事矯旨切責南星光前抗疏曰南星人品事業昭灼人耳目忽奉嚴旨責以不公忠臣竊惑之選郎尚書臂指南星所進退臣實佐之功罪與共乞先賜罢斥廷推事實夏嘉遇非光前也亦被旨切責尋以推乔允升代南星削侍郎陳于廷籍又抗疏曰會推尚書于廷主義臣執筆謹席藁待罪一時目為東林黨人遂貶三秩調外明年光前兄光縉為右布政使治兵遵化闖黨門克新劾之亦削籍兄弟並以忤闖去見稱於世光前操行清嚴崇正元年起光祿寺少卿不赴三

年起太常已复进大理少卿累疏乞休卒於家

王允成字述文州人万历举人官南京御史转载艺文

蔡勋字尧宇州人万历中岁贡授安邑训导崇正学敦节
义县令刘宏化雅重之称其德学兼优三载迁凤翔教
授文教大行逾年迁山西行都司天成镇远两卫武学
教授遂挂冠归以经术诱后来士林重其论著尤孝友
事寡姊终身不怠与人缓急可托著绿叶堂集卒年七
十有八

程式孟字泰云举人少孤贫族凶螫之跳而免忍饥不食

鳳臺縣志

卷之八

人物

二一

他食浩歌力学於世俗不屑屑介意初教谕临汾却贄
清学田以养士擢知陕州屡抗御史严实首法以清盜
源治兵防河寇不敢渡入为廷评遇东厂贿搆之狱慨
然谓彼杀人而我操刀必不为力雪诬陷极刑者十数
案虽刑尚书无以难迁营缮郎摄虞衡其综理酌核灰
铁等事猾吏为咋舌任事精敏而灑然无私方贫时居
一小楼尝书壁云卞和之足人皆怜之吾谓其不智玉
可终见体无全归故君子重内而轻外贵已而贱物官
至陇西僉事

张光奎字聚辰养蒙子以任子五迁守辰州能其官仕至山东右参政初擢山东运使称廉敏加参政仍领漕事后忌者中考功法罢归崇正五年流贼再犯泽州党数千入压大阳镇光奎方里居与兄守备光玺千总刘自安等率义子门徒出家财倡义拒敌相持五日颇有斩获已而贼益众环营四面围困八日援兵不至城陷光奎身被重鎗並死之其子茂贞茂恂从死难事闻赠光禄卿光玺等赠恤有差官两子顺天教授季子茂和廕职工部员外

王采字拱垣忠显子举进士偕姪绪宏绍承家训力学志古时号王五经初知蠡县飭守具穿濠筑城以备边未几边兵数万薄郊关采画地坚守多杀伤敌益众四面环攻力竭城陷身中十馀创被执胁降抗言城亡与亡杀则杀耳毋多言乱刃交下立毙一门二十馀口同殉戊寅十一月十日也侍郎吴阿衡督师卢象升死后采复继之按臣刘呈瑞上其事绪宏伏阙请恤得旨赠监司绪宏亦甲申死节

丁泰运字谷水崇正十三年进士知武陟县调河内著廉

直声甲申二月十六日贼将刘方亮自蒲坂渡河东窥怀庆巡按御史托以塞太行道先遁去与陕西巡抚李化熙同抵宁郭驿俄兵变化熙被伤走兵执欧京褫以妇人服令插花行稍违辄扶之一市大笑叛将陈永福至京即迫降贼逼怀庆监司以下皆窜泰运守南城力不支被执拥见芳亮使跪不屈烧铁索炙之亦不从遂遇害治所立庙以祀並殉节前令王汉额曰二难祠王绪宏字思永进士有雄才与叔采齐名授知正定县未任甫抵里秦寇作势已不可为慷慨辞家庙入山伪官

闻名迫致欲加冠服先期已薙发至则露顶示曰此发可断此头宁不可断乎贼语塞去既托迹道院久之展转遯荒就同年生朱廷壻密谋破贼解州城围同心仗剑率义士门生屯东狐岭村为灭此朝食之计无何贼党张元锡等突於甲申十月四日变起肘腋挟之从不屈先杀廷壻绪宏大骂遇害时同死者原沐阳知县程接孟以下十八人接孟偕弟式孟以举人历官知名於时

陈三乐秀曾孙秀举人材任西乡典吏弃官家居三乐承

遗绪隐居自甘时年荒流亡者多家故贫减殍以食饿者每令息槐阴下饭以遣之往来不绝至今坐石宛然也子经济诸生笃孝尚义有质讼片语平之且有宁为刑罚所加弗为陈君所短之议孙昌言昌期别传

吕黄钟字初阳登天启乙丑进士知鱼台县积年疑狱片言立折时漕渠飞輓官筏南下民苦夫役力言於监押中官过而不扰鲁藩分封供帐络绎措置得其宜暇日立劝农亭课耕桑与田父野老相慰劳调知历城三载案牘重情平反甚多尝曰去莠所以为苗禁奸所以安

良也擢户科给事中与同官孙三杰力抵熊明遇沈棨交关悞国出为青徐监司时岁饥盗起四境多方筹画缮兵济饷盗寻灭以劳瘁卒於官赠光禄卿宦绩载山

左通志

段豸字世高锦衣卫籍登宏治壬戌进士博学强记议论英发初授河南府推官陞兵科给事中滴枣强县知县正德间流贼猖獗枣当真定河南之冲地广而夷城旧且圯豸忧之乃规画誓为必守计筑城濬池修葺楼櫓选丁壮除戎服设逻卒措置甫定贼陷蓟州涉河薄城

下豸亲援桴鼓誓众矢忠人人自奋矢石俱下一日间
贼凡三进三却为豸众所杀者二百餘人首领一人贼
怒攻围益急裨将宋振帅军数千率多贼党营县东十
里豸求援不进阅三日城陷豸身中数矢一鎗嗔目骂
贼不屈死之事闻赠太仆寺卿荫其子崇文为锦衣卫
百户命有司立祠以祀

林一桂万历癸酉举人家贫苦志力学牛背一编卒以成
名任太康县知县时岁荒民多饿莩一桂不待报闻自
行发粟賑恤忤上官左迁后任凤阳同知

鳳臺縣志

卷之八

人物

二五

董嘉謨万历壬午举人居官多善政任定州知州民怀其
德建祠祀之

〔国朝〕苗胙土字叔康朝议焕子明天启壬戌进士官户曹
理新饷除胥吏奸弊增至二十七万上廉其勤苦陟陝
西关南道调湖广荆南道复改全楚监军时楚寇猖獗
陈司马同中丞会诸将聚兵合勦胙土备粮糗乃乘小
舸涨水中破浪转运数千石於军前司马帐中跃起大
呼曰吾军得生矣叛卒花么儿等作乱设计擒截以次
授首邓垓兵居樊日出四掠严禁之樊人安焉樊距襄

祇一带水垣久倾圯砌甃成城详载纪略襄人素不知兵选卫民四五千人训练如军中法直指余应桂荐疏云化无兵而为有兵练乡兵而为真兵盖指此也上津之役督诸路军遏贼斩首一百四十五级嗣於丰阳青泥湾连战皆捷仲冬贼谋犯承天守陵兵远难救应乃合屯陵之四面列为八营卒保无虞先是邓垓以兵譁焚死抚军卢象升檄胙土清汰之依法分布帖然就伍象升应桂揖胙土曰固知非公不能了此也寻擢郟阳巡抚督兵诣荆州勦寇合兵大战斩二千级於夹河尽

焚贼船道路始通然郟在万山中兵力寡弱戎器多折败请兵请饷频呼不应廷议方立主招抚赦诏颁至胙土遵旨晓示适邻邑为他贼所陷而忌者连章弹射中枢杨嗣昌素啣胙土谬覆疏云勦抚两失遂奉严旨正候代间犹擒获新野唐县叛民如干人置於法不敢以解任为嫌也卒下狱滴戍怀庆卫 国朝以原官徵起用为南贛巡抚时江右叛服无常贛尚未入版图而胙土先已抱病被 命力疾遄往三阅月抵南昌病革谓诸将曰贛城旦夕下幸免屠戮遂卒於军胙土与二兄

河阴令有土金吾使广土殊友爱居乡多善行往岁襄
邓之变晋人贾其地者逻卒诬为贼置之狱胙土巡察
至释数千人孙督师傅庭转战中州檄冀南输粟军前
吏民忧惶胙土驰白傅庭至境交纳乡人犹德之胙土
所著有年谱汉滨旧话等集崇祀襄阳名宦本郡乡贤
陈昌言字禹前前崇正甲戌进士由乐亭知县为御史出
巡山东严战守以御寇尤多弹射迨事 本朝用原官
视学江南称知人终养奉母范至孝与弟昌期友爱家
无分财昌期亦父事之筑菟裘以待予告泉石间怡怡

如也著述先草山中集斗筑居集若干卷子元学於叔
昌期顺治己亥进士选庶常性朴素有文名归卒於家
张京字穀臣号绿雪前天启辛酉举人知高阳县勋贵二
十四家倨横京力折之会献俘请减死数千人善河渠
屯田兵刑算数荒政之学调雄县浚何承矩淀水即直
沽赵北口也贼至乘城固守城不陷抚臣上其事在甲
申前入 国朝知当涂县擢工科给事劾巡方三御史
不职御史啣之喉论当涂卸代不清赴质无左验坐诬
者罪寻议罢巡方自京始也以父老侍养卒於家京生

平慎交友所识皆一时气节才士如丁泰运王采赵嗣美孟圣教周图骏董绪杨世美赵日晖崔玉美彭孔比苏寰及其兄纶此十二人者或以节死或以才名或沉沦缝掖或锢癖烟霞京每亟称之何多贤也其行事可见者已登撰述其他落落姓名恐与蠹简同尽因牵连书之

陈昌期字大来贡生有学行少与兄昌言筑堡御寇几滨於危后大同姜瓖之变其党张斗光来据州以书招为登楼峻拒岁稔倒困以给且焚负钜万券乡人为立碑

颂德将闻之当事请旌急驰止之为善无近名尤不可及也其隐德昌后时比之陈省华长子廷敬官大学士诸子及孙皆以科名爵位显

孔斯和前崇正己卯举人入 国朝历官有政绩累仕至建宁府知府同榜有张肇昱者 国初知海宁县时境内多盗请师歼灭之没于官毕方伯振姬志其墓

毛一豸字香林顺治丙戌进士性廉洁能忍艰苦官户曹监淮安仓有羨额随空运通州收军草数百万束辄籍草以居不辞皴瘃

世祖章皇帝东巡目击其劳瘁以裘帽荣之寻以京察进郎中督饷固原饷给军士不少利杪忽考清官第一加三级额旌其绩参议兴安佐平李来亨功最会州有火患泣下遽成疾卒卒之日至无以为殮

岳峻极字道洋顺治丁亥进士历官至吏部验封郎中尝雪临洮大狱并抚乱民诛其首恶善良多所保全筑张堤以防河患时称才吏

孔文明字美含顺治乙未进士十三年任南宫令三载直指列款迹弹之罢官后事白复补长乐令未几告归按

鳳臺縣志

卷之八

人物

二九

州府志人物载文明事与南宫长乐志及巡察奏疏多不符岂两志之多有缺漏欤抑或直指之中以蜚语欤皆不可知因其事详见前志兹不具载

马麟友字孚吉顺治辛卯举人任河南鹿邑令邑城经闯寇残破前令陈王猷修葺未竣力为成之城北地势汗下瀦成大泽大河由此入淮以泛溢为民害麟友相视地势高下立隄防以濬导之邑旧有沙淤黑洼数等赋民苦赔累亲诣查验详请豁免其他禁淫祠崇学校多以善政及民在任甫一年以疾引归

段藻字黼平顺治己亥进士初授河南开封府推官改任潮州府普宁知县兼摄惠来滇闽告变逆镇刘进忠反陷旁县两以兵攻普宁藻悉力拒守屡有斩获虑贼大至伪约降以缓其计乃密请尚藩赴援亲率民兵前锋陷阵贼大败两城获全陞监军道兼理事厅统摄归善驻惠州会刘复率群贼压境与战不利城陷被执胁之降藻目炬发指矢死自誓贼亦不敢害时尚藩方与议和释以归刘复中变遣红衣二贼率众邀於途而尚藩大兵适至近与战大破其众事平上其功

賜以忠贞可嘉授岭东道参议以疾乞身卒於家崇祀名宦乡贤季子万铤监生有武略随其父多立战功云
杨仙枝字简人进士官检讨在馆十年尽窥史册所藏尤留意朝常典山东试号得士丁内外艰徒跣奔丧庐墓仙枝起寒素履亨若困人不得而亲疏之介节自坚居家绝少干谒甫壮而卒时论惜之

朱三才字与参以诸生明经授孟县教谕孟频年赤旱率士民步行四十里至藏龙洞祷雨立应民德之会摄邑篆理贺氏冤出孟氏母子於狱迁贵州镇远令邑经兵

乱后多逃亡招集复业奋有改卫併县正课本色米及
驿费邦贴诸陋规刻石豁免邑界两山濒江中流夏雨
水涨数十丈官署民舍皆漂没人多溺死三才怀印驾
小舟浮沉上下援出二百餘人颠仆淤泥中者率嗷嗷
待毙乃从山寺觅瓦砚败笔沥血请賑上官感其诚符
立上计口亲给民获甦复公捐四千餘金先为民搆庐
舍一复其旧而公廨仓廩邮亭义塾桥梁亦以次修举
旋委署思州篆未几丁外艰服阙补广东连山令邑近
洞獠时出没为害三才募勇壮整器械厚其饷廩防捷

洞口境内宁帖上官重其才拟卓荐寻丁内艰卒於家
陈廷敬字子端一字说巖世为郭峪里人祖经济州诸生
父昌期拔贡生别有传母张梦神授玉匣珠囊生廷敬
丁酉举於乡戊戌登进士选庶常继授秘书院检讨初
名敬榜有同姓名者

章皇帝特命加廷以别之假归奉母四载还补官转国子司
业迁侍读明年复设翰林院改侍讲擢詹事寻迁内阁
学士充讲官掌院教习

讲幄初开首膺是选敷陈剴切讲毕即侍内直以为常母

丧去位服除迁礼部侍郎

太宗

世祖圣训总裁缺复以

命廷敬学士迁他官仍典书局自廷敬始在部绝请托禁

馈遗诸曹肃然转吏部侍郎仍兼学士职

特命督理钱法爬梳积弊竟局毋敢冒一钱者擢都察院

左都御史李时谦疏言不便部议非之廷敬力陈李时

谦言是事寢以俗尚奢汰吏多贪滥疏言贪廉天下之

大闲奢俭贪廉之根柢不俭不廉至饥寒切身奸宄即

鳳臺縣志

卷之八

人物

三三二

起乞

勅廷臣详定官民冠服婚丧之制疏凡数数上皆国计民

生之大多允行焉纠云抚负餉至九十餘万丰采峻肃

中外惮之转工部尚书历户部改吏部望实日隆然性

亢直始劾云抚所知咸危之楚抚狱起忌者以姻娅牵

连钩致无所得而止因引辞以原官解任仍书局自随

越二载起总宪复为工部尚书改刑部引律断狱不为

深文外忧去官服除七日即调吏部时铨法吏作奸临

选驳人到部诚当驳者先呈搞弊不得行张桐城相国

致仕癸未四月拜文淵閣大學士兼吏部如故故事大臣入閣不复侍

經筵兼之者桐城澤州兩相國也以內閣兼內直處密勿地敬慎自持補裨贊畫虽子壯履亦不以私焉在閣六載乞歸慰留不允請益力

上諭卿是耆旧可稱全人時輯

御制文集俟告成乃行會京口張相國終於行在所

詔覓入辦事因不請俸章奏必系

予告於銜越明年四月竟以疾終先是寢疾中官慰問相

鳳臺縣志

卷之八

人物

三三三

望於道嘗漏下三鼓

上犹燭待医問疾狀至是

賜紫衫閤器一具賻銀千兩

特御制輓詩遣皇子臨奠加祭一坛諡文貞令行人護喪

歸薨年七十有五九岁时嘗賦牡丹有要使物皆春之

句而聞者已惊其度量迨入官屢欲俾天下蒙其澤嘗

荐戶部郎中王士正戶部主事汪琬皆入翰林灵寿令

陆陇其清苑令邵嗣尧胥擢御史屢典文衡得士如马

世俊金德嘉张瑗王式丹极一时之选仕官五十餘年

高文典册流为国华

御制诗拟诸姚房李杜

主恩优渥奖锡有加不能殫纪子三人谦吉淮安府同知
豫朋甲戌进士馆选调外壮履丁丑进士侍读学士今
为编修所著书有手定午亭文编五十卷午亭归去集

二卷

马如龙字乘六顺治壬辰科进士授略阳县廉明公正除
溢额之粮偿前官之逋驿马久为民害创请官养参戎
内丁杀人廉其实以计执之抵法有劫盗务弋获复辜

鳳臺縣志

卷之八

人物

三四

任略四载上官列荐剡内擢以母年老告归奉养所著
有貽安堂文集

王廷抡字简菴祖自振父璇俱以轻财好义重乡里璇别
有转载孝义以廷抡贵赠如其官廷抡丰格儒雅爱诗
文著作多有可采由太学生除山东青州通判七年弭
盗安民著有劳勩擢户部员外郎转本部河南司郎中
授福建汀州府知府与王阮亭士正通谱谊刻其池北
偶谈传於世作临汀考言阮亭与宋牧仲葦同序之其
为先达所重多此类也在官粒粟寸帛悉取给於家值

岁歉设粥食民全活甚众修文庙置学田濬城河贍孤
独以荐去民绘像祀之晋山东盐法道大苏商因三掇
臬篆昭雪沉冤丙戌丁父艰回籍遇戊子旱荒复煮賑
调恤济流民者五阅月以疾終於家年五十二子二钧
任工部左侍郎鏜仕延榆绥道别有传

王廷扬字赧菴璇次子洵之嗣子也洵字玉光雄姿伟干
有武略成康熙丙辰武进士不乐仕进以孝弟称卒年
四十一陈相国廷敬志其墓以嗣子廷扬贵贈官如例
廷扬生稟端重不苟言笑读书必求根株不类经生猎

浮辞即已学使者器其风格谓公辅材也起家明经授
户部四川司员外郎转浙江司郎中以兄廷抡出守临
汀告归侍养跬步不离疾则籲天祷以身代己亥往效
西陲数千里兼程转饷协助储胥歲事归适郡邑旱歉
运穀数千石散给贫乏计口授资多保全奉

诏嘉予以义高北嶽奖之雍正元年太原等郡饥廷扬复
蠲银八万助賑在长芦复蠲银十万佐军需计部上其
事得

旨以原官擢太仆寺少卿继转大理寺少卿都察院左佾

都御史兼理营田水利驻霸州综理缜密度支出入惟
谨还京侍耕藉进退无失礼迁宗人府府丞调通政司
通政使晋户部右侍郎改工部左侍郎年六十卒於官
初兄廷抡继父修郡东路功未就廷扬完治七十餘里
生平游处不杂终日衣冠端严泊然一无所好里人於
其歿醵金立祠岁时报享子鏐己酉科

钦赐举人

张德祁孝友谦让以耕读为业中康熙戊午举人官乐亭
知县居官廉洁明敏人不以私相干豪右为之敛迹

鳳臺縣志

卷之八

人物

三六

尚廷鑑字文藻以廩贡授乐平教谕勤於课士多所甄拔
委署县事实心为民以宽和为治清查驿站宿弊尽除
歿於任士民为立德政碑

张文灿康熙中拔贡居家孝友俭约自持知光泽县以慈
祥恤刑为念不事杖笞而境内称治邑有循良之颂

陈廷辰大学士廷敬母弟长於诗以明经司训太原葺学
舍督生徒郡守下其事为二十七学所式继补平阳训
导迁广东钦州金判上官廉其能俾摄永安西宁新兴
和平等县篆咸理寻转湖广郟阳别驾郟为冲要地军

餉取给各属浮汉达江颇多险阻乃请折价就近采买
既省装运又避江涛军民称便视守篆通渠水灌民田
三千馀顷兴国有滞狱久不决守因罢廷辰一讯立辨
陞罗定州知州百废具举罗民德之未几弟廷弼来参
议辖此州引例避次兴安卒

陈豫明字濂村康熙甲戌进士大学士午亭山人次子官
翰林编修历仕福建盐驿道八岁能诗午亭为授杜律
诗话居官不名一钱清介自守日课诗作文名重一时
所著濂村诗钞未刻

鳳臺縣志

卷之八

人物

三七

赵世正康熙辛卯举人父光斗阴行善世正局干俊伟补
诸生食饩以文名著登科后欲父老逮禄养辛丑谒选
授浙江淳安县令甫半载兴废举坠邑有翁姑贫不能
存至鬻其子妇者其夫妇泣不忍舍闻之立持金如其
鬻数以予之趣吏急往日迟则污彼妇矣未几以忧归
服阕得闽之南安一月乱作迫胁不为动大军至诣军
自效寻移疾归优游里閤以终

陈贲懿字白村武安县令廷懔子大学士廷敬之犹子康
熙辛卯举人选涑水令丁外艰服阕补杞县令杞滨大

河堤工袤延千餘丈岁儲菱木竹石向例皆取諸民加賦常額外力請上官免其儲賦如常額會黃河澄清蒙恩加級旋奉檄署理祥符睢州擢陝州直隸州牧格於部議旋因事罢去后復補直隸寧晉令邑為古大陸澤地南汨水勢洼下每淫潦漲發輒為患賁懿親詣相度高下詳請挑引河導水歸滏澗地千畝有奇民大賴之其他興學造士安良去莠多此类尋以年老告歸賁懿兩任邑宰以實政見諸施行杞縣為建祠立石寧晉為繪冊作歌殆有古循良風也生平工書法著有問津詩集

鳳臺縣志

卷之八

人物

三八

陳攀龍字雷門幼孤力學年十二補弟子員日讀書於父之木主傍夜臥以發系案歷十七試皆冠諸生由貢中順天鄉試授河南永城县永冲邑供帳悉不累民境多盜特招練鄉勇五十人以御之盜遂息方以中州治行第一荐而格於議即不復仕家居友愛彌篤以文章造就后来諸子悉有声膠庠仲子威鳳已酉武舉授浙西督運千總署守備事

王鈞字公衡廷抡長子諸生入貢援例議叙知府雍正二年授浙江鹽運司副使時議以江南鎮江一府改食淮

盐力持以为不便

诏下淮浙盐仍循旧界商民德之宁姚等邑海潮被灾钩
请於盐院奉免未完场课若干万两贍恤亭户灶丁多
所存济西湖久淤塞捐貲疏濬水利复兴领开榷鼓铸
流衍用以通商便民入为光禄寺卿兼霸州水利营田
副使筑围建闸以时蓄泄耕耨胥按其节规画尽善载
入律例图说至下其法以为式晋工部右侍郎迁左侍
郎先是钩季父廷扬曾居是职不数年而钩复继之时
以为荣钩在部持大体不以苛察为明廷议时不立异

同有所见则侃侃直陈常言国家公事抵求一是无功
可居亦无名可竞真笃论也未几卒於官钩居家孝友
三世同居处乡轻财好义无所吝惜居官有善政实能
见之施行论者以经世才推之

秦嶠字方洲明敏有干略以诸生杖策入都游公卿间咸
钦重之雍正七年援例效力营田高安朱文良公轼委
采办营田四载总理户部司务时天津营田户积逋累
万金力白於当事奏请豁免捐貲筑张毗口堤水潦不
为害常熟蒋文肃公廷锡称其能荐授户部员外郎经

营擘画部中多倚赖之会以事去官复效力霸州营田
悉心赞理陈中丞时夏倚为左右手孙文定公嘉淦督
军畿辅奏留河工与陈中丞前后交章荐之格於部议
以亲老乞归养居乡敦孝友持节义修祠宇平治道路
以义行称由二子贵封赠皆如其官子学溥举人历任
直隶州县有政声丁外艰起授云南开化府知府
召见询知有老母

特恩改授顺德府知府现任江苏粮储巡道以廉能著子
百里进士颍州府知府别有传

王鏜字春融廷抡二子天性孝友母得瘖疾先意承其志
与兄钧相友爱居乡睦婣任恤以厚德称兄卒京师奔
持其丧归明年奉

旨入都奏对授户部浙江司员外擢刑部陕西司郎中西
番互市之役有司经画未善以鏜代任鏜属其客往而
遥授以区处方略边人宁帖会

王师进讨金川鏜督饷入蜀而母讵适至便道归里一恸
而去驰诣军门请出家财助饷量道途险易设法飞輓
尅期集事凯旋加太仆少卿衔许终制服除补刑部直

隶司郎中改广东司出任延绥道岁屡旱力为賑恤西
师既兴奉委采办驼隻上郡与延素非所产乃捐俸遣
簿尉远购送军营至马政边储羽书如蝟鏜心画手挥
以次就理制府以鏜才可大用疏请裁榆葭道併归延
绥驻节榆林

朝议报可即以鏜任之榆林地当冲险为全秦保障鏜率
数骑褰帷按部问民疾苦除豪猾安善良枹鼓不惊苞
苴尽绝未几劝农至雄石峡以劳瘁卒编修蒋士铨铭
其墓

梁肯堂字掖吕顺治丙戌进士任山东掖县知县明敏有
为人不敢以私干剖判刑狱片语立决邑多逋赋催科
有法不为厉民整饬学校风化大行一时科第蔚起士
民歌咏之以志德政张大中丞忻为作序没后崇祀乡
贤

王熙载字宅揆乾隆辛未进士直隶试用县令署大城事
会大城被水患人多饥奉檄查办賑务悉心经画计口
授粮俾民均沾实惠流亡者复其业制府称能题补新
城地当往来冲道差务络绎迎送往来悉无误邻县飞

蝗遍野食禾苗几尽而不入邑境时以为异旋差委赴各邑捕蝗星驰迨往督里甲设法殄除践民稼穡者伤之悬赏格以捕蝗多寡量给钱米人皆踊跃蝗渐灭时方盛暑日夜不遑寝食染湿热症后委办密云云道路力疾而行劳瘁数月病剧卒於官熙载幼学家塾以制举业见推於时登科第而才堪肆应足以治理繁剧惜天不永年未竟所用生平所著诗文若干卷歿后散失无存

秦百里字宛来乾隆庚午辛未联捷成进士改庶吉士散

鳳臺縣志

卷之八

人物

四二

馆擢编修己卯典试贵州庚辰会试同考官识拔皆知名士奉

命提督河南学政泽与怀卫错壤多姻戚胥以嫌避不与试在任矢公慎谢请托卷必亲阅甲乙合舆论会许州试竣道经尉氏值黄流漫溢漂庐舍灾民多栖树杪或男女聚处土阜号泣绝饮食苟延旦夕百里慨然曰士与民一也吾以学臣为国家取士即当为国家爱民敢以职非所司听斯民之陷溺耶遂率令尉督吏书购备船筏乘月夜渡之入城复捐俸金为賑全活者数千百

人露章入告奉

旨温慰民为立石以志壬午十月回都复

命询以豫省民风士习大吏操守才能奏对称

旨有用心做官自有大用之语寻授颖州府知府面请

圣训恩赐紫貂等物先是百里素有弱疾星驰赴任以劳

瘁道卒百里循谨自持弱不胜衣而读书谈经济不为

章句学雅为刘文正统勋孙文定嘉淦窦东皋光鼐所

知没之日人皆惋惜之所著和声集诗文十馀卷嗣子

鼎庚寅举人安徽试用知县

鳳臺縣志

卷之八

人物

四三

张大经字建常乾隆辛未武进士第一人及第一等侍卫

授武昌府参将调济南参将擢文登副将

圣驾南巡办理德州烟火厂临清河巡哨及管理道途马

棚胥著勤劳

恩赐貂缎有差晋陕西兴汉镇总兵会进勦金川奉

旨驰赴军前守牛厂木儿寨诸要处进兵攻明郭宗推一

等功旋提重兵守达咱夹山梁闻木果木军营兵溃率

众往援遇贼奋力冲杀自夜至日晡士卒尽惫风沙四

起贼众乘胜据高阜列鎗炮随所向环击身被重创叹

曰吾大臣不可为贼人污遂投崇德站之海子而死事
闻命入昭忠祠遣官致祭照旗员二品大臣例世袭骑都
尉子无咎现任蒲河营都司同时有马全牛天畀者皆
山西人官提督与大经同时殉难而死尤烈恤赠有加
全子国锐现官泽州营都司

吕元亮字陶村乾隆癸未进士改庶吉士丁继母忧庐於
墓服阙散馆授刑部广东司主事迁浙江司员外四川
司郎中充顺天武乡试同考官方略馆修纂官奉

令办理四川西路粮饷未几授川北兵备道旋以饷务不

继鏐秩滴龙安府知府计在军前后五年尝寢食不遑
或崖谷间徒步数十百里奉委查封磺峒深入贼巢於
案牘之巨细必手自经理以劳勩得疾寻授安徽司刑
部郎中未任而卒元亮性耿介事亲孝居乡直谅笃厚
居官不苟同遇事侃侃直陈廉洁无所倚盖有经世之
才而賚志早歿不获竟其用其房师翁覃溪方纲深悼
之为志其墓